

57

DIE V. JUNII.

IN FESTO

SANCTI BONIFACII
EPISCOPI ET MARTYRIS.



Introitus. *Isaiæ 65.*

Xsultábo in Jerúsalem,
et gaudébo in pópulo
meo: et non audiétur in
eo ultra vox fletus et
vox clamóris. Elécti mei non la-
borábunt frustra, neque generábunt
in conturbatióne: quia semen be-
nedictórum Dómini est, et nepótes
eórum cum eis.

Ps. 43. Deus, aúribus nostris au-
dívimus: patres nostri narravérunt
opus quod operátus es in diébus
eórum. **Ÿ.** Glória Patri.

Oratio.

DEus, qui multitudinem popu-
lórum, beáti Bonifácii Már-
tyris tui atque Pontíficis zelo, ad
agnitióne[m] tui nóminis vocáre dig-
nátus es: concéde propítius; ut
cujus solémnia cólimus, étiam pa-
trocínia sentiámus. Per Dóminum.

Léctio libri Ecclesiástici. *Ececli. 44.*

LAudémus viros gloriósos, et
paréntes nostros in generati-
óne sua. Multam glóriam fecit Dó-
minus magnificéntia sua a sáculo.
Dominántes in potestátibus suis,
hómnes magni virtúte, et prudéntia
sua præditi, nuntiántes in prophé-
tis dignitátem prophetárum, et im-
perántes in præsénti pópulo, et vir-
túte prudéntiæ pópulis sanctíssima
verba. In perítia sua requiréntes

modos músicos, et narrántes cár-
mina scripturárum. Hómnes dívi-
tes in virtúte, pulchritúdinis stú-
dium habéntes: pacificántes in dó-
mibus suis. Omnes isti in genera-
tiónibus gentis suæ glóriam adépti
sunt, et in diébus suis habéntur in
laúdibus. Qui de illis nati sunt, re-
liquérunt nomen narrándi laudes
eórum: et sunt, quorum non est
memória: periérunt quasi qui non
fúerint: et nati sunt, quasi non nati,
et filii ipsórum cum ipsis. Sed illi
viri misericórdiæ sunt, quorum pie-
tátes non defuérunt: cum sémine
eórum pérmanent bona, hæréditas
sancta nepótes eórum, et in testa-
méntis stetit semen eórum: et filii
eórum propter illos usque in ætér-
num manent: semen eórum et gló-
ria eórum non derelinquétur. Cór-
pora ipsórum in pace sepúlta sunt,
et nomen eórum vivit in generatió-
nem et generatióne[m]. Sapiéntiam
ipsórum narrent pópuli, et laudem
eórum nuntiet ecclésia.

Graduale. 1. Petri. 4. Communi-
cántes Christi passiónibus gaudete,
ut in revelatióne glóriæ ejus gau-
deátis exsultántes.

Ÿ. Si exprobrámini in nómine
Christi, beáti éritis: quóniam quod
est honóris, glóriæ, et virtútis Dei,
et qui est ejus spíritus, super vos
requiécet.

Allelúja, allelúja.

V. Isaïæ 66. Declinábo super eum quasi flúvium pacis, et quasi torrén-tem inundántem glóriam. Allelúja.

Temp. Pasch. omittitur Graduale, et ejus loco dicitur:

Allelúja, allelúja.

V. Isaïæ 66. Lætámini cum Jerúsalem, et exsultáte in ea omnes, qui dilígitis Dóminum. Allelúja.

V. Vidébitis, et gaudébit cor vestrum: cognoscétur manus Dómini servis ejus. Allelúja.

+ Sequéntia sancti Evangélii secúndum Matthæum. **Matth. 5.**

IN illo témpore: Videns Jesus turbas, ascéndit in montem, et cum sedisset, accessérunt ad eum discípuli ejus, et apériens os suum, docébat eos, dicens: Beáti paúperes spírítu: quóniam ipsórum est regnum cœlórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui

persecutiónem patiúntur propter justítiam: quóniam ipsórum est regnum cœlórum. Beáti estis cum maledíxerint vobis, et persecúti vos fúerint, et díxerint omne malum advérsus vos mentiéntes, propter me: gaudéte, et exsultáte, quóniam merces vestra copiósa est in cœlis.

Offertorium. Ps. 15. Benedícám Dóminum, qui tríbuit mihi intelléctum: providébam Deum in conspéctu meo semper, quóniam a dextris est mihi ne commóvear.

Secreta.

Super has hóstias Dómine, quæsumus benedíctio copiósa descéndat: quæ et sanctificatiónem nostram misericórditer operétur, et de sancti Bonifácii Mártyris tui atque Pontíficis fáciat solemnitáte gaudére. Per Dóminum.

Communio. Apoc. 3. Qui vicerit, dabo ei sedére mecum in throno meo: sicut et ego vici, et sedi cum Patre meo in throno ejus.

Postcommunio.

Sanctificáti, Dómine, salutári mystério: quæsumus; ut nobis sancti Bonifácii, Mártyris tui atque Pontíficis, pia non desit orátio, cujus nos donásti patrocínio gubernári. Per Dóminum.

Concordat cum Originali.

Ratisbonæ, die 29. Septembris 1874.

J. M. Reger, Vicarius in Spíritualibus Generalis.